



ევროკავშირი
საქართველოსთვის
The European Union for Georgia



საჯარო სამსახურების დაძმობილების პროექტი

Contract: GE 16 ENI ST 06 18

საქართველოს სტატისტიკური სისტემის შესაძლებლობების გაძლიერება

კომპონენტი 2: “ეროვნული ანგარიშების მეთოდოლოგიური საფუძვლების
გაძლიერება ევროკავშირის სტანდარტების შესაბამისად”

ქვეკომპონენტი 2.2: “რესურსებისა და გამოყენების ცხრილების (SUT) და
დანახარჯებისა და გამოშვების (I/O) ცხრილების შედგენის
მეთოდი”

მისიის ანგარიში

აქტივობა: 2.2.C (RS2) “დაბალანსებამდე მაჩვენებლების რესურსებისა და
გამოყენების ცხრილებში შეყვანის დასრულება”

მისიის განმახორციელებელი ექსპერტები:

ბ-ნი იენს ჰოლსტ იენსენი, დანიის სტატისტიკა

ქ-ნი მარია ნილსონი, დანიის სტატისტიკა

ბ-ნი სორენ ლარსენი, დანიის სტატისტიკა

2020 წლის 9 – 24 სექტემბერი

ვერსია: პროექტი 1



ევროკავშირი
საქართველოსთვის
The European Union for Georgia



ექსპერტების საკონტაქტო ინფორმაცია

ბ-ნი იენს ჰოლსტ იენსენი
დანიის სტატისტიკა
კოპენჰაგენი, დანია
ტელ.: +45 3917 3484
ელ. ფოსტა: jhj@dst.dk

ქ-ნი მარია ნილსონი
დანიის სტატისტიკა
კოპენჰაგენი, დანია
ტელ.: +45 3917 3408
ელ. ფოსტა: mnn@dst.dk

ბ-ნი სორენ ჰენრი ლარსენი
დანიის სტატისტიკა
კოპენჰაგენი, დანია
ტელ.: +45 3917 3483
ელ. ფოსტა: shl@dst.dk

სარჩევი

1. ზოგადი შენიშვნები.....	4
2. შეფასება და შედეგები	4
3. დასკვნები და დამატებითი განხილვები.....	5
დანართი 1. ტექნიკური დავალება	10
დანართი 2. ექსპერტებთან შეხვედრებში მონაწილე პირები	12



1. ზოგადი შენიშვნები

წინამდებარე მისიის ანგარიში ევროკავშირის საჯარო სამსახურების დამშოილების პროექტის „საქართველოს სტატისტიკური სისტემის შესაძლებლობების გაძლიერება“ ფარგლებში მომზადდა. დასრულდა პროექტის 2.2 ქვეკომპონენტის - “რესურსებისა და გამოყენების ცხრილების (SUT) და დანახარჯებისა და გამოშვების (I/O) ცხრილების შედგენის მეთოდი” - მესამე მისია, რომელიც პანდემიის გამო, ივნისში განხორციელებული წინა მისიის მსგავსად, დისტანციურ რეჟიმში 9-24 სექტემბრის პერიოდში განხორციელდა. მისია ძირითადად რესურსებისა და გამოყენების ცხრილებში მაჩვენებლების დაბალანსებამდე ასახვის გაგრძელებას დაეთმო.

მისიის მიზნები:

- საქსტატის მიერ მომზადებული, ცხრილებში შესაყვანი, ბოლო მონაცემების განხილვა.
- მონაცემების დამატებისა და დაზუსტებების საჭიროებების გამოვლენა.
- დანიელი ექსპერტების მიერ მომზადებული რესურსებისა და გამოყენების ცხრილების Excel-ის მხარდაჭერისა და მაკროგანსაზღვრებების გამოყენების დემონსტრირება შუალედური მოხმარების პროდუქტების სტრუქტურის მრეწველობის ჯამურ სამიზნე მაჩვენებლებთან შესაბამისობაში მოყვანის მიზნით.
- სახელმწიფო ფინანსების სტატისტიკისა და სხვა წყაროების, ასევე შინამეურნეობების შემოსავლებისა და დანახარჯების გამოკვლევიდან მიღებული შინამეურნეობების საბოლოო მოხმარების მონაცემების სტრუქტურის მომზადება და რესურსებისა და გამოყენების ცხრილების შესაბამის ფორმატში გადაყვანა.
- ღირებულებების დონეების პირველადი შეფასებითი მაჩვენებლების გამოყვანა: საბითუმო ვაჭრობა, საცალო ვაჭრობა, გადასახადებს გამოკლებული სუბსიდიები პროდუქციაზე და დღგ.

კონსულტანტები მადლიერებას გამოხატავენ შეხვედრაში მონაწილე ყველა თანამდებობის პირისა და თანამშრომლის მიმართ საქართველოში განხორციელებული მისიის პერიოდში უზრუნველყოფილი მხარდაჭერისა და ინფორმაციისთვის, რამაც მნიშვნელოვნად შეუწყო ხელი კონსულტანტების წარმატებულ მუშაობას.

წინამდებარე ანგარიშში წარმოდგენილია კონსულტანტების მოსაზრებები და დასკვნები, რომლებიც არ გულისხმობს ევროკავშირის, საქსტატის, დანიის სტატისტიკის ან პროექტის განხორციელებაში ჩართული სხვა სტატისტიკური სამსახურების შეხედულებებს.

2. შეფასება და შედეგები

მისია დისტანციურ რეჟიმში განხორციელდა 2020 წლის 9-24 სექტემბრის პერიოდში. ჩატარდა 3 შეხვედრა Zoom-ის მხარდაჭერის გამოყენებით და განხილული იქნა ტექნიკურ დავალებით გათვალისწინებული საკითხები.

წინა მისიის შემდეგ მომზადდა Excel-ის ფაილები საქართველოს 2018 და 2017 წლის რესურსებისა და გამოყენების ცხრილებისთვის, და Excel-ის მაკროგანსაზღვრებების სისტემა აღნიშნულ Excel-ის ჩარჩოში მონაცემების შეყვანისა და დაზუსტებისთვის. მიღებული იქნა გადაწყვეტილება საბაზისო წლად 2018 წლის გამოყენებასთან დაკავშირებით, რაც გულისხმობს, რომ ყველა მონაცემი მოცემული წლისთვის უნდა დასრულდეს. პროექტის დასაწყისში 2018 წლის



პირველადი მონაცემები ხშირად ხელმისაწვდომი არ იყო, შესაბამისად, საჭირო იქნება 2017 წლის პირველადი მონაცემების გარკვეული ნაწილის დამუშავება 2018 წლის ახალ მაჩვენებლებთან შედარების მიზნებისთვის. მოცემული მისიის დაწყებამდე საქსტატმა მოამზადა მონაცემები, რომელიც წარმოებს და საგარეო ვაჭრობას მოიცავდა. მონაცემები მოიცავდა ასევე შიდა საბოლოო მოხმარებას. თუმცა, ამ საკითხებზე კვლავ არა ერთ პრობლემაა გადასაჭრელი და ისევ განუსაზღვრელია შუალედური მოხმარების პროდუქციის სტრუქტურაც.

მოცემული მისიის პერიოდში ყურადღება პირველ რიგში რამდენიმე კონკრეტულ სფეროზე გამახვილდა: იმპორტის CIF პროდუქციის მიხედვით, არაკომერციული დაწესებულებების (შმაკო) გამოშვების პროდუქცია, შუალედური მოხმარება მრეწველობის დარგებისა და პროდუქციის მიხედვით, სახელმწიფო მართვის ორგანოების გამოშვება და შუალედური მოხმარება, საბითუმო და საცალო ვაჭრობის ფასნამატების პროცენტის განსაზღვრა, „პროდუქტებზე გადასახადების“ განაწილება პროდუქციისა და მოხმარების მიხედვით, და ბოლოს: პროდუქციისა და მოხმარების მიხედვით დღგ-ის გაანგარიშების ფორმულათა სისტემა.

აღნიშნული მისიის დისტანციურ რეჟიმში ჩატარება ბევრად უფრო რთული აღმოჩნდა, ვიდრე Zoom-ის მხარდაჭერით განხორციელებული წინა მისიის ჩატარება იყო, რამდენადაც COVID19-ის ახალი რეგულაციების გამო დანიელ ექსპერტებს სახლიდან მუშაობა უწევდათ მთელი მისიის განმავლობაში. Excel-ში მაგალითების წარდგენა ექსპერტებს საკუთარი კომპიუტერებიდან უწევდათ. ვერ მოხერხდა ზემოთ აღნიშნული საკითხების გადაწყვეტილებების განხილვა, თუმცა ფაილებში მონაცემების ასახვა მოცემული და შემდგომი მისიების შუალედში უნდა დასრულდეს. აღნიშნულის გამო, დანიელ ექსპერტებს და საქსტატის თანამშრომლებს მეტი სიხშირით მოუწევთ ურთიერთობა, სავარაუდოდ, მოკლე Zoom შეხვედრების ფორმატში. თუმცა, ექსპერტების შეფასებით, მისიის დროს არსებითად მნიშვნელოვანი ნაბიჯები გადაიდგა ქვეკომპონენტის საბოლოო მიზნის მიმართულებით.

3. დასკვნები და დამატებითი განხილვები

- საგარეო ვაჭრობა: რეკომენდაცია, რომელიც საქონლის იმპორტზე CIF ღირებულებების დატოვებას და ტრანსპორტისა და დაზღვევის ნაწილში საგარეო ვაჭრობაში CIF-FOB გადაანგარიშებას გულისხმობდა, ვერ შესრულდა ეროვნული ბანკის გასწორების პროცედურის თითოეული ეტაპის განმარტებების შესახებ არასაკმარისი ინფორმაციის გამო. საქსტატის აღრიცხულ CIF მაჩვენებლებს დაემატა დაუკვირვებადი მონაცემები, თუმცა კვლავ გაურკვეველია, აღნიშნული კორექტირებები CIF ღირებულებებს ეხება, თუ FOB ღირებულებებს. ამასთან, ეროვნულ ბანკს საგადასახდელო ბალანსის შედგენაში შეაქვს „სხვა შესწორებები“, რაც შეიძლება გასათვალისწინებელი იყოს CIF მაჩვენებლების განზოგადებისას დაუკვირვებადი იმპორტის მოცვის მიზნით. საჭირო ინფორმაციის მიღება შესაძლებელია საქსტატსა და ეროვნული ბანკის საგადასახდელო ბალანსზე პასუხისმგებელ პირს შორის შეხვედრის ორგანიზებით. შეიძლება Zoom შეხვედრის ორგანიზება, საჭიროების შემთხვევაში, დანიელი ექსპერტების ჯგუფის მონაწილეობითაც.
- პროდუქციის კლასიფიკაცია: შმაკოს ერთეულების გამოშვებიდან ახალმა შეფასებითმა მაჩვენებლებმა Excel-ის ჩარჩოს რესურსებისა და გამოყენების ცხრილებში რამდენიმე პროდუქტის დამატების საჭიროება გამოავლინა. მოცემული მისიის ბოლო შეხვედრის შემდეგ დანიელმა ექსპერტებმა აღნიშნული პროდუქტების კოდები მიიღეს.



- შუალედური მოხმარება: მისიის დაწყებამდე დანიელმა ექსპერტებმა ხარჯების ახალი გამოკვლევის შედეგები მიიღეს სტრუქტურული ბიზნეს სტატისტიკით გათვალისწინებული მრეწველობის დარგებისთვის. ხარჯების გამოკვლევით გათვალისწინებულ პროდუქციის ჯგუფებს რესურსებისა და გამოყენების ცხრილების პროგრამული მხარდაჭერით გათვალისწინებული პროდუქციის კოდები მიენიჭა. თუმცა ხარჯების გამოკვლევიდან რამდენიმე ერთეულს აღნიშნული პროდუქციის კოდები ჯერ კიდევ არ მიენიჭებია. ესენი, ჩვეულებრივ, ქვეკონტრაქტორების მიერ შესრულებული მომსახურებებია, რომლებსაც კოდები, ჩვეულებრივ, ანალოგიური მზა პროდუქტების მსგავსად უნდა მიენიჭოს. რიგ შემთხვევებში შესაძლებელია მათი ცალკე პროდუქტებად მიჩნევა.
- დანიელმა ექსპერტებმა წარმოადგინეს ხარჯების გამოკვლევის მონაცემების სტრუქტურათა სტრუქტურული ბიზნეს სტატისტიკის დარგების სამიზნე მაჩვენებლებთან შესაბამისობაში მოყვანის მეთოდი შუალედური მოხმარებისთვის. პრეზენტაციაში ნაჩვენებია იყო, თუ როგორ შეიძლება რესურსებისა და გამოყენების ცხრილების პროგრამული მხარდაჭერისა და მისი მაკროგანსაზღვრებების გამოყენება მონაცემების სტრუქტურათა შესაბამის ჯამურ სამიზნე მაჩვენებლებთან შესაბამისობაში მოსაყვანად. ზოგიერთი დარგი მოიცავს ერთეულებს როგორც სტრუქტურული ბიზნეს სტატისტიკიდან, ისე სხვა წყაროებიდან, მაგალითად, სახელმწიფო ფინანსების სტატისტიკიდანაც. ასეთ შემთხვევებში მონაცემთა სტრუქტურა შეიძლება თითოეული წყაროსთვის ცალკე დამუშავებას საჭიროებდეს, მაგალითად, ერთი ნაწილისთვის სტრუქტურული ბიზნეს სტატისტიკიდან ჯამური სამიზნე მაჩვენებლებისა და ხარჯების სტატისტიკიდან სტრუქტურის გამოყენებით და მეორე ნაწილისთვის სახელმწიფო ფინანსების სტატისტიკის სამიზნე მაჩვენებლებისა და სტრუქტურის გამოყენებით.
- მთლიანი ფიქსირებული კაპიტალის ფორმირება: ხარჯების კითხვარს აქვს ინვესტიციების მოდული, რომელიც დანიელ ექსპერტებს უნდა გაეგზავნოს. თუმცა, მთლიანი ფიქსირებული კაპიტალის ფორმირების მაჩვენებლების გაანგარიშება მნიშვნელოვანწილად საინვესტიციო საქონლის შიდა რესურსებზე დაყრდნობით იქნება მოსაზრადებელი. ბევრ შემთხვევაში პროდუქციის მახასიათებლები გაანგარიშებული იქნება ნარჩენის სახით (კონკრეტული პროდუქტების შინამეურნეობის მოხმარებისა და შუალედური მოხმარების შემდეგ დარჩენილი შიდა რესურსები).
- სახელმწიფო მართვის ორგანოების გამოშვება და შუალედური მოხმარება: დანიელმა ექსპერტებმა მიიღეს სახელმწიფო ფინანსების სტატისტიკიდან (GFS) და GFS-ში განუსაზღვრელი სკოლებისა და ბალების მონაცემებიდან აღებული დეტალური ინფორმაციის საფუძველზე გაკეთებული 2017 და 2018 წლების გაანგარიშებები. აღნიშნულ გაანგარიშებებში მოცემულია ზოგიერთი მაჩვენებელი, რომელთა კლასიფიკაცია ისევ 2019 წელს გამოქვეყნებული ეროვნული ანგარიშების მაჩვენებლებში გამოყენებულ ნაკლებად დეტალურ პროდუქტებზეა დამოკიდებული. მოცემული მისიის დაწყებამდე - და დანიის სტატისტიკასა და საქსტატს შორის მიმოწერის ფარგლებში - დანიის სტატისტიკაში გადაანგარიშებული იქნა 2018 წლის მონაცემები. ახალი სისტემის მეტი დეტალიზაციისთვის გადაიხედა მონაცემებისთვის კოდების ტრანზაქციის კოდების მიხედვით მინიჭებისთვის გამოყენებული შესაბამისობის ცხრილები, ეროვნული ანგარიშების დარგები და რესურსებისა და გამოყენების ცხრილების პროდუქცია და გაკეთდა რამდენიმე კორექტირება. მათ შორის, ყველაზე მნიშვნელოვანი იყო არასამეწარმეო სფეროში ინდივიდუალური მოხმარების დამუშავებაში განხორციელებული ცვლილება. შედეგად მიღწეული იქნა მონაცემების პირველადი განაწილება პროდუქციის



მიხედვით, გამოშვების განაწილება ეროვნული ანგარიშების პროდუქციის მიხედვით (გაყიდვები და გამოშვება საბოლოო მოხმარებისთვის) და გამოშვების გამოყენება საბოლოო მოხმარებისთვის ინდივიდუალური/ჯამური მოხმარების მიხედვით და 2-ნიშნა COFOG ჯგუფების მიხედვით. მისიის პერიოდში განხორციელებულმა განხილვებმა ცხადყო დამატებითი ცვლილებების საჭიროება, მაგალითად, საქართველოს ეროვნული ბანკის წარმოება ჯერ კიდევ დასამატებელია მაჩვენებლებში.

- შმაკოს გამოშვება: მისიის შემდეგ დანიელმა ექსპერტებმა მიიღეს აღნიშნული მაჩვენებლები და ეროვნული ანგარიშების დამატებითი პროდუქტების შეთავაზება. გამოვლინდა გამოშვების გარკვეული ნაწილების გაყიდვებიდან მიღებული შემოსავლის (მათ შორის, თეატრის, მუზეუმის, სპორტული ღონისძიების ბილეთების გაყიდვებიდან მიღებული შემოსავლის) სახით კლასიფიცირების საჭიროება. ამ ეტაპზე შემუშავებულია აღნიშნული ტიპის ხელახალი კლასიფიკაციის შემოთავაზება, რომელიც საქსტატს გაეგზავნება.
- გადასახადები პროდუქტებზე სუბსიდიების გამოკლებით: საქსტატმა გააკეთა პროდუქტებზე გადასახადების „რესურსების“ განაწილება რესურსებისა და გამოყენების ცხრილების პროდუქციის მიხედვით. თუმცა, პროდუქტებზე სუბსიდიების განაწილება ჯერ არ არის გაკეთებული. საქსტატს აქვს ძველ ეროვნულ ანგარიშებში გამოყენებული განაწილება პროდუქტების კლასიფიკაციის მიხედვით. შეიძლება ნაკლებად ზუსტი იყოს, თუმცა რეალურად გარკვეული დაშვებების გაკეთება მოგვიწევს. საქსტატმა დანიელ ექსპერტებს უნდა გაუგზავნოს არსებული მონაცემები. მისიის პერიოდში მიღებული იქნა გადაწყვეტილება, რომ Excel-ის პროგრამული მხარდაჭერა მოიცავს ფორმულების სისტემას, რომელიც პროდუქტებზე პროგრამა ავტომატურ განაწილებას აკეთებს თითოეული პროდუქტის მოხმარების მიხედვით.
- საბითუმო და საცალო სავაჭრო ფასნამატები: საქსტატმა მოამზადა სავაჭრო ფასნამატების გაანგარიშებები პროდუქტების მიხედვით. დანიელ ექსპერტებს გაანგარიშებები მისიის დაწყებამდე გაეგზავნა, რომლებზე დაყრდნობითაც პროგრამის დახმარებით გაანგარიშებული იქნა ფასნამატის პროცენტები რესურსებისა და გამოყენების ცხრილების პროდუქტებისთვის. აღნიშნული პროცენტები აისახა Excel-ის პროგრამულ მხარდაჭერაში. გაკეთდა დემონსტრირება, თუ როგორ ხდება აღნიშნული პროცენტების გამოყენება სავაჭრო ფასნამატების გაანგარიშების ფორმულებში პროდუქტის/მოხმარების თითოეული კომბინაციისთვის. ზოგიერთ პროდუქტს, რომლებიც აშკარად მოითხოვენ სავაჭრო ფასნამატებს, ჯერ კიდევ არ განესაზღვრა პროცენტი. რესურსებისა და გამოყენების ცხრილების სისტემის ფასნამატების დონეები საჭიროებენ გადახედვას, რის საფუძველზეც უნდა მოხდეს გამოტოვებული პროცენტების განსაზღვრა.
- დღგ: Excel-ის პროგრამული მხარდაჭერა მოიცავს დონეს, რომელზეც წარმოდგენილია პროდუქტების/მოხმარებების თითოეული კომბინაციის დღგ-ის განაკვეთები, რომლებსაც უნდა განესაზღვროთ დაუქვითვადი დღგ-ის მაჩვენებელი. მისიის პერიოდში ნაჩვენები იყო, როგორ ხდება ფორმულებით პროცენტების გაანგარიშება თითოეული პროდუქტის დღგ-ის საშუალო განაკვეთის, დღგ-ის მომკრები ორგანოების მიერ მიწოდებული თითოეული პროდუქტის წილის, დღგ-ის გადამხდელად დარეგისტრირებული ერთეულების მიერ შემავალის სახით დაქვითვადი პროდუქტის დღგ-ის წილის და დღგ-ის მომკრებად (ერთეულები, რომლებსაც შეუძლიათ შემავალი დღგ-ის დაქვითვა) დარეგისტრირებული მრეწველობის თითოეული დარგის ან მოხმარების წილის გათვალისწინებით. აღნიშნულთან დაკავშირებით კვლავ გადასაჭრელია რამდენიმე საკითხი. მათ შორის ყველაზე მნიშვნელოვანია იმის გარკვევა, სახელმწიფო მართვის



ორგანოები დღგ-ის მოკრებას ახორციელებენ გარკვეულ გაყიდვებზე, თუ შემავალი დღგ-ის დაქვითვას.

- მარაგების ცვლილება: წინა მისიის პერიოდში წარმოდგენილი გაანგარიშებები გარკვეულ საექვო განაწილებას შეიცავდა პროდუქტების მიხედვით. დღეისათვის საქსტატს უნდა ჰქონდეს განახლებული ვერსია, რომელიც შემდეგ უნდა გაეგზავნოს დანიელ ექსპერტებს. მარაგების ცვლილების საბოლოო ვერსიის დასრულება შეუძლებელია მანამ, სანამ გამოყენების მხარეს სხვა სფეროებში შემსყიდველის ფასებში მოცემული ღირებულებები არ აისახება.

მისიის პერიოდში განხილული საკითხები დეტალურად არის აღწერილი დოკუმენტში, რომელიც საქსტატს გაეგზავნება.

რეკომენდაციის თანახმად, ნოემბრის მეორე ნახევარში? დაგეგმილი მომდევნო მისიის დაწყებამდე, შეძლებისდაგვარად მოკლე პერიოდში, უნდა მოხერხდეს რესურსებისა და გამოყენების ცხრილების პროგრამულ მხარდაჭერაში შესაყვანი მონაცემების განახლება ან გამოტოვებული მონაცემების მომზადება, რათა მისიის პერიოდში მოხდეს რესურსებსა და გამოყენებას შორის სხვაობის გასწორება თითოეული პროდუქტის ბალანსისთვის.

საჭირო იქნება კიდევ ერთი მისია, რომელიც გამოყენების მხარეს არსებულ თითოეულ სვეტში ჯამური მოხმარების - შეძლებისდაგვარად - შესაბამის სამიზნე მაჩვენებლებთან შესაბამისობის უზრუნველყოფას დაეთმობა. ბოლოს უნდა დაბალანსდეს ვაჭრობის, ტრანსპორტირებისა და დღგ-ის რესურსები და გამოყენება.

გაუმჯობესების მიმართულებით განსახორციელებელი ნაბიჯები:

მოქმედება	ვადა	პასუხისმგებელი პირი
ეროვნულ ბანკთან შეხვედრის ორგანიზება დაუკვირვებლად იმპორტებზე საგადასახდელო ბალანსში კორექტირების საკითხების გადასაჭრელად.	შეძლებისდაგვარად მოკლე ვადაში!	საქსტატი
საქსტატისთვის კლასიფიკაციის შეთავაზებისა და შმაკოს გამოშვების ღირებულებების გაგზავნა.	შეძლებისდაგვარად მოკლე ვადაში!	სორენ ლარსენი, დანიის სტატისტიკა.
რესურსებისა და გამოყენების ცხრილების კოდების მინიჭება ხარჯების გამოკვლევის პროდუქტების იმ ჯგუფებისთვის, რომლებსაც ჯერ კიდევ განუსაზღვრელი აქვთ კოდები. დანიის სტატისტიკაში მეტნაკლებად საბოლოო შედეგების გაგზავნა.	15. ოქტომბერი	საქსტატი, დანიელი ექსპერტების გარკვეული მხარდაჭერით.
არსებული სამიზნე მაჩვენებლების ფაილიდან აღებული ჯამური სამიზნე მაჩვენებლების და	02. ნოემბერი	საქსტატი, დანიელი ექსპერტებთან თანამშრომლობით



შესაბამისი წყაროებიდან აღებული სტრუქტურების საფუძველზე თითოეული მრეწველობის სფეროს/ქვესექტორის შუალედური მოხმარების პირველადი სვეტების მომზადება.		
რესურსებისა და გამოყენების ცხრილების ახალი პროდუქტების მიხედვით პროდუქციაზე სუბსიდიების განაწილებაზე მუშაობა. განაწილების გაგზავნა დანიის სტატისტიკაში (თუნდაც არასრული სახით).	15. ოქტომბერი	საქსტატი
საბითუმო და საცალო ვაჭრობის ფასნამატების გადახედვა Excel-ის სისტემის სავაჭრო ფასნამატების დონეების მარჯვენა მხარეს. გამოტოვებული პროცენტების დამატება. შედეგების დანიის სტატისტიკაში გაგზავნა.	02. ნოემბერი	საქსტატი
დღგ-ის პროცენტების განაკვეთების გადახედვა Excel-ის სისტემის „დღგ-ის განაკვეთების“ დონეზე, მარჯვენა და ქვედა ნაწილში. პროცენტების განაკვეთების შეთავაზება ან/და საბაზისო მონაცემების გაგზავნა დაუკვირვებლად წილებზე, ზღვრის ქვემოთ წარმოებაზე ან შესაბამის ადგილობრივ კანონმდებლობაზე	02. ნოემბერი	საქსტატი
პროდუქციის განაწილების საბოლოო ვერსიის გაგზავნა მარაგებში ცვლილებების გასაანგარიშებლად	შემდგომი დაგეგმვით მოკლე ვადაში	საქსტატი



დანართი 1. ტექნიკური დავალება

ევროკავშირის საჯარო სამსახურების დამმობილების პროექტი GE 16 ENI ST 06 18

2020 წლის 9 სექტემბერი – 24 სექტემბერი

კომპონენტი 2: ეროვნულ ანგარიშებში მეთოდოლოგიური საფუძვლების გაძლიერება ევროკავშირის სტანდარტების შესაბამისად

ქვეკომპონენტი 2.2: რესურსებისა და გამოყენების ცხრილების (SUT) და დანახარჯებისა და გამოშვების (I/O) ცხრილების შედგენის მეთოდი

სავალდებულო შედეგები და 2.2 ქვეკომპონენტის მთავარი ამოცანები:

- რესურსებისა და გამოყენების ცხრილების (SUT) გაანგარიშების გაუმჯობესება და დანახარჯებისა და გამოშვების ცხრილების (I/O) დანერგვა

შესრულების (საბაზისო და სამიზნე) მაჩვენებლები:

- რესურსებისა და გამოყენების ცხრილები (SUT), როგორც SNA08-ის შესაბამისი სტატისტიკური პროდუქტი
- **საბაზისო:** 2019 წელს – არსებული რესურსებისა და გამოყენების ცხრილები მზადდება მიმდინარე ფასებში
- **2020 წლის დასასრულს** – რესურსებისა და გამოყენების ცხრილების მომზადება მიმდინარე და მუდმივ ფასებში SNA08-ის შესაბამისად
- დანახარჯებისა და გამოშვების ცხრილების (I/O), როგორც სტატისტიკური პროდუქტის ხელმისაწვდომობა
 - **საბაზისო:** 2019 წელს – არ არსებობს დანახარჯებისა და გამოშვების ცხრილები (I/O)
 - **სამიზნე:** 2020 წლის დასასრულს – შედგენილი უნდა იყოს დანახარჯებისა და გამოშვების ცხრილები (I/O)

აქტივობა 2.2.C (RS2) “დაბალანსებამდე მაჩვენებლების რესურსებისა და გამოყენების ცხრილებში შეყვანის დასრულება”

1. აქტივობის მიზანი

- დაბალანსებამდე რესურსებისა და გამოყენების ცხრილებში მაჩვენებლების შეყვანის დასრულება

2. აქტივობის მოსალოდნელი შედეგები

- რესურსებისა და გამოყენების ცხრილებში დანახარჯების მონაცემების სტრუქტურისთვის ხარჯების სტრუქტურის კვლევის გამოყენება
- სოფლის მეურნეობის, სახელმწიფო ფინანსების სტატისტიკისა და შინამეურნეობების კვლევის მონაცემების დაფორმატება და ასახვა



- სხვა წინასწარგანსაზღვრული მაჩვენებლების გაანგარიშება რესურსებისა და გამოყენების ცხრილების კონკრეტული გრაფებისა და პროდუქტებისთვის
- მაჩვენებლების დონეების პირველადი შეფასებების განხორციელება: საბითუმო ვაჭრობა, საცალო ვაჭრობა, გადასახადები, სუბსიდიები და დღგ
- მომდევნო აქტივობის ტექნიკური დავალების მომზადების მხარდაჭერა
- მისიის ანგარიშის მომზადება
- 2.2 ქვეკომპონენტის გზამკვლევის განახლება



ევროკავშირი
საქართველოსთვის
The European Union for Georgia



დანართი 2. ექსპერტებთან შეხვედრებში მონაწილე პირები

საქსტატი

ბ-ნი ლევან ქარსაულიძე, ეროვნული ანგარიშების დეპარტამენტის უფროსი
ქ-ნი თინათინ პაპიაშვილი, კვარტალური ანგარიშების სამმართველოს უფროსი
ქ-ნი ნათია მერებაშვილი, წლიური ანგარიშების სამმართველოს უფროსი სპეციალისტი

პროექტის მუდმივი უცხოელი მრჩეველის ჯგუფი

ბ-ნი სტინ ბელეფელდ პიდერსენი, პროექტის მუდმივი უცხოელი მრჩეველი